



A son rivadis animis lungjis in paîs, come i muarts ta gnot dai sants. A son vignudis di banda dal simiteri e nô, sigûr plui vîfs di lôr, i suìn la sêt come a lis animis ta gnot dai sants. A fevelin ma no ju capissìn, come i nestrîs vecjos cuant che a tornin ta gnot dai sants. Musis forestis, di chês di chê altra banda dal mont. Esistino ancjamò forescj pal mont? Sigûr no si viodin plui culî a Romans, dopo ducj chei che a son vignûts tirant jù la quarta e senza stâ a scoltâ. Int gnova, che à voi che a contin storiis come chês dai nestrîs vons, i vons che a tornin dongja sot da stelis da gnot dai sants. Int in pâs, nuia lamis, nuia sclopis, chei che a scjampin no lis àn. Chist no vin di dismenteâ. Cualchidun di chei che tornin ogni an ta gnot dai sants nus contava chista conta, senza dînus che un doman ta figuris che chei vons nus à piturât tal cjâf, lis mans che a dan a son lis nestrîs. Cualchidun al è za lâf indevant, come chei da gnot dai sants. Vuê cussì, doman cuissà, viodarìn ta lis gnots dai sants.

di Michele Vuardianut Calligaris